

## اداره خانه

باب عالی جاده سنده دائره مخصوصه

## آبونه سرائطی

ممالک عثمانیه ده سنه لکی (۶۵)، الی  
آیلغی (۳۵) غروشدر. ممالک اجنبیه ده  
سنه لکی (۱۷)، آلتی آیلغی (۹) فرانقدر.  
[ایضاحات: نسخه سی الی پاره، آلتی  
آیلغی بر جلد، هر جلد ۲۶ نسخه در.]

## اخطارات

§ آبونه بدلی پشیندر.

§ آدرس تبدیلنده قرق پاره لک

پول کوندرملی در.

§ مسلکه موافق آثار مع الممنونیه

قبول اولنور. درج ایدیلمه یازیلر

اعاده اولونماز.

# سرایط

۱۳۳۰

## اخطارات

رساله مزدن آلتدیغی کوسترلمک شرطیله  
بتون یازیلر هر هالکی بر غزته طرفندن  
اقتباس اولونه بیلیر.

§

مکتوبلرک، امضالرک واضح و اوقوناقلی  
اولسی و آبونه صره نومروسنی محتوی  
بولونمسی؟

§

ممالک اجنبیه ایچون آبونه اولانلرک  
آدرس لرینک فرانسزجه سی ده یازلمسی؟

§

پاره کوندرلدیکی زمان نه یه دائر اولدیغنک  
واضحاً بیلدرلمسی رجا اولنور.

## مدافعات دینیه

خطبه ل: ۵

### نوح عظیم دائر خطبه

[۱]

« بوجه ایله برابر مولی تعالی بزی بلا ارشاد ترک ایتمه مشدره. زیرا بوقصه نك دها مکملی نورآنده وارد اولمشدر. و معلومدرکه هر مسلمک استناره واسترشاد ایچون بوکتابه مراجعت ایتمی واجبدر. »

بز بحمدہ تعالی شرع احمدیده وجوبک نصل دلیلر ایله ثابت اوله جغنی بیلمز دکلز: سویدیککز کبی بر وجوب افاده ایدن دلیل شرعی به تصادف ایده مدک. بویله بر احتمال اولمادیغنه ده قانعز. نظم قرآنک اجمالی تفصیل، اشکالی ازاله ایچون مراجعت ایلمسی لازم کلن قواعد اصول فقه علمنده ارئه ایلمشدر. سورة انفالده «الیوم اکملت لکم دینکم و اتممت علیکم نعمتی و رضیت لکم الاسلام دیناً» (بوکون سزک دینکزی اکمال و حقکزده نعمتی اتمام ایتم و سزک ایچون دین اسلامی اختیار ایلم) بیوریلور. (آیت ۵) بناء علیه دین خصوصنده قرآن کریم بزه کافیدر و بشقه بر کتابه مراجعتدن مغنیدر.

« زیرا سورة الانعامه - ثم آتینا موسی الکتاب تماماً علی الذی احسن و تفصیلاً لکل شیء و هدی و رحمةً (بز کتابی احسن حرکتده بولنان کیسه به تماماً و هر شیئی تفصیلاً و هدی و رحمت اولق اوزره موسایه و یردک) - دیو بیورلشدر. و مادامکه ایش بویله در. یعنی تورات مؤمنک اکلامق ایستدی هر شیتک تفصیلدر، ایددی واجب، حتی ضروریدرکه او کتابده بوازک مسئله حقنده نه دینلدیکنی ایشیده لم. »

دوستم! بو آیتده ادعا ایستدیکنز و جوبی اثبات ایده جک بر دلیل یوقدر. هم سزک بو قیاسکز عادتاً دیوراده کی آت رسمی کوستره رک « شو آندر، هر آت کیشنه، بناء علیه بو آتده کیشنه، دیمک قیاندن بر قیاسدر. چونکه قرآنده مدح و ثنا بیوریلان تورات حضرت موسایه انزال بیوریلان کتابدر. سزک بزه مراجعتی واجب قیلدیکنز تورات ایسه الیکزده بولنانلردر. بو ایکیسی بیننده موجود تفاوتی حالا کورمک ایسته میورمیسکنز؟ بولنده موجود دیگر تحریفاتی سزه باغشلا یلم، حضرت موسانک وفاتندن صکره جریان ایدن احواله دائر بعض تفصیلاتک آنره فرجه یاب دخول اولدیغنی ده انکار ایده مز. سکز یا! (تثنیه باب ۳۴: ۵-۱۲). مع مافیله خاطر بکنز ایچون سزی تعقیب ایده لم، باقلم مدعا کزه موافق دلیل کوستره بیله جکمیسکنز.

« آتک بو واقعه به دائر اولان نصی (بیاناتی) غایت صریحدر. »  
سز « صراحت » کله سنی چوق قوللانیورسکنز. فقط بیلمه ایسکنز که آتیا سزدن بونلرک حساب ایستیه جکنز.

« الله تعالی تکوین کتابنده بو خصوصده شویله بیورمشدر: و بو شیلردن صکره الله ابراهیمی تجر به ایدرک آکا ای ابراهیم دیدی، اودخی لیک دیدی

والله شمدی بریحک اوغلی، یعنی سودیکک اسحق آلوب موریه دیارینه کیت و آتی اوراده سکا سولیه جکم طاغیرک بریسی اوزرنده محقه تقدیم ایله دیدی. ایددی ابراهیم صباحین ایرکن قاقوب مرکبته سمر اورارق اوشاقلرندن ایکی نفر ایله اوغلی اسحق برابر آلدی و محرقه ایچون او طون یارده دن صکره چیقوب اللهک سولیدیکی محله کیتدی و اوچنجه کونده ابراهیم کوزلرینی قالدیروب اوزاقدن اول محلی کوردی و ابراهیم اوشاقلرینه سز بوراده مرکبه قالیکنز و بن جوجقه اورابه کیدوب سجده ایستدکن صکره سزه عودت ایده جکم دیدی. ایددی ابراهیم محرقه او طوننی آلوب اوغلی اسحقه یوکتتمکله آتیه آتش و بچاق آلهرق یکیسی برابر کیتدیله واسحق پدیری ابراهیمه سولیلوب ای پدر، دیدکده لیک ای اوغلم، دیدی. اودخی ایشته آتش او طون و لکن محرقه ایچون قوزی زده در دیدی. ابراهیم دخی ای اوغلم، الله کندیسنه محرقه ایچون قوزی نی تدارک ایده جکدر دیدی. بویله جه ایکیسی برابر کیتدیله. واللله کندیسنه سولیدیکی محله کلنکرنده ابراهیم اوراده بر مدح بنا ایستدی و او طون دیزدکن صکره اوغلی اسحق باغلابوب منبجه او طونر اوزرینه قودی، ابراهیم اوغلی بوغازلامق ایچون آلی اوزادوب بیغانی آلدقه ربک ملکی ابراهیم، ابراهیم دیو سادن آکا ندا ایلدی. اودخی لیک دیدی. ملک دخی الکی جوجقه اوزاتمه واکا برشی یاچه، زیرا بریحک اوغلیک بدن درینغ ایتمدیکندن الهدن قورقار ایدوکی شمدی بیلیم، دیدی و ابراهیم کوزی قالدیروب آرقه سننده وصیق چالیق آره سننده بو یوزندن طولاش بر قوج کوردکده ابراهیم کیدوب قوچی آلهرق آتی اوغلی رینه محرقه تقدیم ایلدی.

(تکوین باب ۲۲ آیات ۱-۱۳)

توراتک بو افاده سی طوغری اولق ایچون ابراهیمک بریحک اوغلی و یارنجی اوغلی اسحق اولق لازم کلور. حالبوکه هاجر دن ابرام اسماعیل طوغدینی وقت ابرام سکسان آلی یاشنده ایدی (تکوین ۶ باب ۱۶) « ابراهیمک اوغلی اسحقک طوغدینده یوز یاشنده ایدی » (تکوین ۲۱ باب ۵). مع مافیله بوجهت موضوع بحثه نظراً ایکنجه درجه ده قالدیغندن بونلری نقل ایله نه دیمک ایستدیکنزه باقلم.

« بنم ادعایه اللهک بو امردن مقصدی ابراهیمه رمزی و یاخود تمثیلی طریق ایله مسیح واسطه سیله اجرا اولنه جق ندیه نی بیلدیرمک ایدی. »  
دوستم! سز بالاده کرک قرآنک و کرک توراتک صراحتندن بحث ایدیوردیکنز. بزده او یولده کی صراحتلره انتظار ایلیوردق. حالبوکه شمدی طریق رمزی و یاخود تمثیلدن دم اورمه باشلا دیکنز، حریفک بریسنه بر آرمود کوستره رک نه اولدیغنی سؤال ایتمشله، جوابنده « ایوادر » دیمش. « بو حالده سن آیوایی ده بیلیمورسک » دیمشله. صاقین بزم بحثمزده اوکا دونمسون. حاشا! مقصدم سزه جهل اسناد ایتمک دکل، بلکه مخاطب لریکنزی او منزله یه ایندیردیکنزی کوسترمکدر. بوده استبعاد اولنماز، چونکه سزاو بختیارلردنسکنز که مخاطب لریکنز سوزلریکنزه حقیقت محضه نظریله باقارلر، بیاضه سیاه و یاخود سیاهه بیاض دیسه کنز هیچ برینک اعتراض ایتمک عقلنه بیله کلز. لکن نه چاره که بز بشقه درلو آلمشمنز: بریسی « الله بر » دیسه « نه دن بیلورسین؟ » دیرز. حتی دها غریبی اگر بونی بلادلیل سولیش ایسه کندیسنی آتم عد ایلرز. کوریورسکنز یا! ایکی طرفک آلدینی طرز تربیه ده نه بیوک بر تفاوت وارا سز پک اعلا بیلورسکنز که صراحت بر لفظک کثرت استعمالدن طولایی معنای مرادی ظهور بین ایله ظاهر اولق، رمز و کنایه ایسه معنای مرادی من جهة الاستعمال مستر بولنقددر. شو حالده

پك اعلا بيلكز ! فقط دليلكزى سويلكزده بيلديككزه بزده فانع اولهلم . چونكه بلا دال بيلمك حاصل اولماز .

« ويله اولماسه يدي الله بوني كندی كتابك برچوق يرلنده بزه اعلان ايتردى . »

بو افاده كز عینی مدعادن عبارت اولوب بردلیلی محتوی دكلدر .

« زیرا مسیحه اشارت اولهرق رمزلك سائر نوعلى ذكر اولنور . »

عجبا ارمز لرده هپ بو قوتده میدر ؟

« چونكه بو تعليم كتاب مقدسك بحساب متن و آيت لرنده مشهور و نابت اولمشدر . »

هپ دليلدن عارى عینی فقرات .

« نورانده قربان و ذبیحه و محرقل نه قدر چوق دفعه ذكر اولمشدر ! ناسه خطا و كناهلری ایچون کفارت اجرا و الله عز وجل حضرت لرینه تقرب ایتلری لزومی نه قدر چوق دفعه تأکید ایدلشدر . »

بونی انكار ایدن و ارحمی که تکرار ایدوب طور بیورسکز ؟

« او درجه که بالنفس قرآن بو قربانلرک ذکر یله طولودر و تاریخ عالمک مقدمه سننده قابیل ( قاین ) و هابل حقنده کی کلامنده بزه قرباندن بحث اولمغه باشلامشدر . »

اوت سورة مائدهده « واتل علیهم نبأ ابی آدم بالحق » ( انسانلره آدمک ابکی اوغلنک قصه سنی حق ایله ذکر ایت ) . « اذ قربا قرباناً فتقبل من احدها ولم يتقبل من الآخر » ( آنلر تقرب قصد یله قربانلرینی عرض ایتدکلری وقت برینک قربانی قبول اولنوب دیکرینککی اولنمادی ) بیورلشدر . ( سوره ۳۰ ) . بونکله قصه ابراهیمک مسیحه رمز اولدینی ثابتی اوله جق ؟

« و بنی اسرائیل تاریخنده چوق دفعه ذکر و سمان ایلن آتش ایله احراق ایدیلن قربانلر نامیله یاد ایدلشدر . و ابراهیمک ذبیحه سی اباء اولینک پدرمز آدمک زمانندن موسانک زماننه و مرسادن مسیحه قدر تقدیم ایتش اولدقلری یوزلرجه و بیکارجه ذبیحه لر دن آنجق برسی ایدی . و بنی اسرائیلک بالجمله آیین و مراسم عبادتنده احتفالاتنده و مناسکنده ان مهم ایش قربانلر تقدیمی ایدی . »

بونلرک جمله سی مسلم ؟ فقط نتیجه ؟

« ایمدی درت یسک سنه ارض مقدسک اکثر بقعه و قطعه لرنده موجود و بذبلردن چیتان توتون دومانلریله هوایی قراردان و ذکر لری آدمدن ابراهیمه ، هارونه ، داوده و عصر مسیحه قدر بورات و زبور صحیفه لرینی طولودیران بو محرقلردن اله حکیمک هیچ بر مرادی و مقصدی اولمادیغنی هانکی عقل سلیم ظن ایدر . »

جناب حنقک بالجمله افعالی حکم و مصالحه مستند اولدیغنده شبهه یوقدر . لکن مجرد نقله مستند بر دینک سالکلرینه منسوب بر خطبه ده « عقل سلیم » دن بحث ایدلسی جای تعجبدر .

« اوت ، الهک ذبیح لر و قربانلر فریضه سندن عظیم بر مقصدی واردر . »

سز او مقصد حقنده کی فکر یکزی سويلكزده صره بزه کلنجه بزده بيلديككزى سويلر ز .

محمود داسعد

« دوام ایدجک »

ایکیمی یکدیگری مقامنده استعمال اولنه ماز . سز اولجه صراحت ادعاسنده بولنیوردیکز . ایراد ایتدیکنز نصارده بز اولیله بر حال کورده مدک . بونی سزده ادراک ایتدیکنز ایچون شمدی آنی ترک ایله طبان طبانیه ضدی اولمق اوزره « رمز » ادعاسنده بولنیورسکز . بزم ایچون تناقضدن طولایی سوزیکزی دیکله مه مکده واردر . مع مافیله مساهله طریقنی التزام ایله سزی بودعوا کزده ده تعقیب ایده جکز . فقط ینه معلوم کزدر که رمز و کنایه ده معنای مراده دلالت ایدر بر قرینه معینه بولمق لازم کلور . تعیر دیکرله « بنم ادعایه بو بویه در » دیمک کافی دکلدر . بوکا بردلیل وینه اقامه ایتکز ایجاب ایدر . اگر اقامه ایده مزسه کز بلا دلیل دعوا مسموع اولماز . دلیلکزی اقامه ایدیکزده کورهم .

« و بودخی - ایتر آنک قرآنده وارد اولان شکنه ، ایستر تورانده وارد اولان شکنه اعتبار ایت - بالنفس قصه دن ظاهر و عیاندر . »

قوزم خطیب افندی ! سز نه پایورسکز ؟ بویه دونه دونه ایش اولورمی ؟ اول صراحت ادعاسنده ایدیکز ، صکره بوندن واز کچوب رمز و تمثیل طریقندن بحث ایتدیکنز . شمدی ینه ظهور و عیاندن بحث ایدیورسکز . بوظهور و عیان یالکز سزهی مخصوص ؟ لطفاً بزده ارانه ایتسه کز اولمازمی ؟

« بوکا تعجب ایتدیکنز . »

آمان خطیب افندی ! بوکاده می قاریشه جقسکز . بویه انکی پشنه اویمایان سوزلره تعجب ایتمه مک الدن کلیمی ؟ سزی ممنون ایتک ایچون چوق جبر نفس ایتدک اما موفق اوله مادیق . دین نامه پایسلان بوکی اگری بوکری شیلره تعجب ایتمه مک ایچون دماغی چوققلقدن بری اولیله تشکل ایتش اولمق لازمدر . بزایسه او بختیارلردن دکلز .

« زیرا الهک عقلی بوطار دائره دن البته ها واسع و نظری بومرمی قریبدن ده بیددر . الله تعالی « سموات زمیندن یوکک اولدینی کی بنم بوللم سزک یولریکزدن و بنم افکارم سزک افکاریکزدن یوکسکدر » ( اشعیا باب ۵۵ آیت ۹ ) دیو بیوریر . »

و کذا الله تعالی « اونی کوزلر ادراک ایتمز ، لکن او ، کوزلری ادراک و احاطه ایدر ؛ او لطیفدر ، خبیردز » بیوریر ( انعام ۱۰۳ ) . و کذا « علی التحقيق الله سموات و ارضک غیبی بیور ، زیرا او ، قلبارده کیزلو اولان شیلری ده بیور » بیوریر ( فاطر ۳۶ )

خطیب افندی ! بز بو ایتلری مجرد سزک اثریکزی تعقیب مقصد یله یازدق . عجبا سز او سوزلری ایچون یازدیکنز ؟ « زیرا » ایله تصدیق اولنمسنه باقیلورسه بالاده کی ادعا کزه دلیل اولهرق کتورلدیکی اکللا - شیلور . عجبا بونلر نصوص قرآنیه و توراتیه نک مقصدیکزه صراحت دلالت ایتدیکنه می ، یوقسه رمز و تمثیل طریقله دلالت ایلدیکنه می دلیلدر ؟ سز هم تحف شیلر یاپارسکز ، همده بزی تعجبدن منع ایدرسکز . بو موافق انصافی ؟

« ایمدی بیهلم که بوقسه مسیحه رمزدر . »